

惟清齋全集

梅菴詩鈔卷之一目錄

應制詩

乾隆五十年 乾清宮舉千叟宴禮恭紀

恭和

御製事定元韻

緬人入貢恭紀

擬 重華宮侍宴詩

恭和

御製詠安南戰圖六律元韻

恭和

御製雨元韻

恭和

御製避暑山莊卽事元韻

恭和

御製寫心精舍元韻

恭和

御製安南國王阮光平乞遵天朝衣冠嘉允其請並詩

賜之元韻

恭和

御製山莊錫宴祝嘏各外藩卽事元韻

恭和

御製曉行元韻

恭和

御製出古北口作元韻

恭和

御製兩間房行宮卽事元韻

恭和

御製至避暑山莊之作疊壬子韻元韻

恭和

御製永佑寺瞻禮疊昨歲韻元韻

恭和

御製題鑑始齋元韻

恭和

御製題秀起堂疊去歲韻元韻

恭和

御製臺灣提督哈當阿道員楊廷理奏報早稻收成八
分有餘詩以誌慰元韻

恭和

御製題澄觀齋元韻

恭和

御製六月朔日作元韻

恭和

御製扎什倫布廟誌事疊去歲詩韻元韻

恭和

御製遊獅子園元韻

恭和

御製宜照齋得句元韻

恭和

御製含青齋元韻

恭和

梅菴詩鈔

目錄

御製玉岑精舍元韻

恭和

御製山東巡撫吉慶直隸總督梁肯堂各報雨水田功
情形詩以誌慰一律元韻

恭和

御製雨元韻

恭和

御製書懷元韻

恭和

御製永恬居鼎去歲韻元韻

恭和

御製漕運總督管幹珍奏全漕抵通日期詩以誌慰元
韻

恭和

御製雨元韻

恭和

御製直隸總督梁肯堂奏乘時買補倉穀以資儲備旣
紓傷農之嘆復資遇歉之周然非逢稔歲豈易得哉
詩以誌事益切惕乾元韻

恭和

御製登四面雲山亭子元韻

恭和

御製留京王大臣奏報京城晴雨應時炎暑已退穀稼
豐收詩以誌慰元韻

恭和

御製啟蹕幸避暑山莊卽事有詠元韻

恭和

御製石槽行宮晚坐元韻

恭和

御製福康安和琳奏攻克蘇麻寨一帶賊巢詩以誌事

元韻

恭和

御製秀起堂元韻

恭和

御製林下一首三疊乙未正月元韻

恭和

御製澄觀齋有會元韻

恭和

御製出古北口元韻

嘉慶元年元旦

授受禮成紀

恩二首

恭和

聖製孟秋朔日作元韻

恭和

聖製喜晴元韻

恭和

聖製出麗正門觀稼作元韻

恭和

聖製瞻禮安遠廟用庚戌年詩韻元韻

恭和

聖製江南河道總督蘭第錫奏報豐沃六堡黃河隄工
漫溢詩以誌事元韻

恭和

聖製獲鹿元韻

梅菴詩鈔

目錄

六

梅庵詩鈔卷一

應制詩

乾隆五十年 乾清宮舉千叟宴禮恭紀

祖德貽謀遠躬逢曠典新重開千叟宴載慰百年人禮樂瞻

天近嘉祥入奏頻三呼齊介壽佳氣滿

楓宸

陽和孚

化宇禁殿敞華筵叟聚三千衆時逢五十年

恩沾九老外喜溢

一人先共際耆英會春風鼓

舜絃

邁古開

昌運詞臣頌匪誇七旬

天子壽五世

帝王家敦本先宗室推

恩到海涯自來繩

祖武扶杖仰重華

朝野瞻

文治乾坤入壽星間年皆邁甲

講學正逢丁道已隆千古人多老一經

辟雍鐘鼓振觀聽喜盈廷

華髮披紳佩

天王眷老臣衣冠森鷺鵒勲業上麒麟定遠籌邊久商

山侍宴新趨

朝遲待漏頤養足精神

幅幘開萬國航海叩

天門入貢陪臣老頒封

勅使尊頌聲傳譯館

溫語到羣藩好遂觀光志簪毫紀

聖恩

胞與通微賤鄉耆肆盛筵愚誠爭獻曝老眼解瞻

天鳩杖欣奇遇銀牌記大年

熙朝隆齒德白首受

恩偏

九重丹詔發溥海盡歡騰內治榮閭閻新銜耀祖曾登
階官有秩崇祀禮多仍作頌成私祝賡歌愧未能

恭和

御製事定元韻

海嶼么磨繫

聖思一朝事定返

王師試看法網皆難遁益信臣心不可欺

選將何妨權棄類報

恩端在善乘時

九重睿慮懷悠遠

欽見功成更畏寅

緬人入貢恭紀

計日臺陽告盪除驃人復

賜指南車百年載貢梵羅錦萬里遙馳金葉書王會圖

成看鼓舞

天威播處荷呵噓不須三道煩招討踴躍來庭拜

玉輿

垂手功成返六師網開一面

聖恩慈重江漫恃金沙險萬騎曾衝鐵壁奇喜見梯航
邊貢遠不勞露布羽書馳高張

黃幄開新宴勞面雕題到恐遲

擬重華官侍宴詩

旭景矐矐侍

上方

璇宮春燕舉霞觴兩行鵷鷺趨

丹宸一派笙簫近

玉皇緬甸早垂方畧遠安南旋見捷書長歡聲此日春
雷動不獨賡歌樂未央

佳節欣逢及閏年侍臣衣染

御爐烟九重瑞靄騰

黿禁萬樹宮花燦

綺筵獻歲喜隨香案吏陳詩忝副玉堂仙盈階千羽雙
雙舞五色雲呈

黼座前

恭和

御製詠安南戰圖六律元韻

桓桓貔虎翦孤獍撻伐

王師動遠征千里軍威明奠亂幾番

天語詔休兵桂林久喜鯨波息象郡徒勞螳臂迎共沐
聖恩開一面珊瑚入貢起歡聲

倉皇求撫赴軍門

詔許來王拜

特恩蠻觸何知爭屬國干戈隨勢下江村地中鼓角有
時息釜底游魚無處奔自藩封通絕徼世傳

龍命到諸孫

俗傳赤脚喜搖脣南海誰能據要津

撫育一方真有準幅幘萬里正無垠沙沈戈戟消邊聲
濤靜帆檣試小艚好向壽昌江上望來庭都是受降人
市球江外事心攻柔遠機宜迥不同早撤偏師

神算秘終歸王化

聖謨雄扶危力振

朝廷體厭亂

心通

造化功勞面雕題共王會浮航萬里競尊崇

轉戰軍聲下富良

天朝旗鼓出堂皇大端已取名能正小蹶仍寬謀未臧
地開山川羣頌

德

恩霑草木徧含芳海邦效順連西藏仙蝶頻年爲兆祥

大常寺仙蝶二禮部侍郎德
明嘗捧以進呈上賜以詩

干戈一振卽消兵阮氏投身志亦誠爭入貢時看鼓舞
不揚波處識祥禎印頒駝鈕千年券關啟雞陵萬里城
歸述

聖恩真意外瞻

天來歲沐殊榮

恭和

御製雨元韻

快雨隨

鑿輅田疇喜作甘雷鞭千澗落雲蓋四山涵過處炎蒸
失霑來草木酣

神京方咫尺渥潤慰遙驂

恭和

御製避暑山莊卽事元韻

萬山環抱氣連雲日近

皇居士庶欣千里車書頌

盛典百年邊塞蔚斯文地開

新廟垂謨遠人集遙藩入貢勤更念雨暘

宵旰外煌煌

天語九霄聞

恭和

御製寫心精舍元韻

聖人法天地精一惟一心寫心坐精舍允執躬日欽每
念仔肩重時若深淵臨億兆富生計百寮慎盍簪我
皇崇至德

祖訓時追尋大哉

王者言誥誠恒不禁閭閻被

實惠萬性感

至謚

天章闡奧蹟奕葉垂規箴

恭和

御製安南國王阮光平乞遵天朝衣冠嘉允其請並詩
賜之元韻

遙藩孺慕遠相依

寵錫冠裳數更稀

金殿風高飄雀尾

御爐香近換朝衣
輕裙襲體心初愜
華髮留簪俗不違
歸去南交贍

北闕榮逾黼黻却氛穢

恭和

御製山莊錫宴祝嘏各外藩卽事元韻

萬壽丹書萬里傳
雕題鑿齒屬車駢

文經武緯超千古
西域南交共一天
喜覩朝班聯極塞
久欽

聖畧勒燕然來賓納贐通王會稽首

彤廷祝

大年

臣心伊邇地云遐

優詔開筵賞特加
游牧來庭榮有分
梯航入貢志堪嘉
海隅共祝

萬年壽中外真成天下家
遠竭丹忱叨

曲宴山川不計路途賒

恭和

御製曉行元韻

翠華臨處曉寒收
一路新晴霽景浮
藹藹芳林含雨潤

泚泚澗水帶雲流稻梁久熟邊民逸
苜蓿初肥獵馬稠
處處省方關

聖慮痼瘼在抱未忘憂

恭和

御製出古北口作元韻

雄關高作鎮封不藉丸泥九塞一城隔萬山
千里齊近畿行旅熟望歲老農俟雨後經

鑿處巖花正粲兮

恭和

御製兩間房行宮卽事元韻

藹藹朝雲隔澗生，輕陰忽斷易新晴。
山靈亦解迎鑾喜，小作微涼慰聖情。

恭和

御製至避暑山莊之作疊壬子韻元韻

青蔥大野雨初蘇，佛髻峯攢象更殊。
萬笏烟橫排作障，五方人聚萃成都。
占雲兆叶猶懷遠，望歲詩成足慰吾。
好待梯航英吉利。

山莊王會繪新圖

恭和

御製永佑寺瞻禮疊昨歲韻元韻

莊嚴寶地上方前

聖敬孜孜禮益虔異域貢還超海若遐陬銘已勒燕然
爭看寓下歌溫飽共仰

幾餘稟惕乾續緒

宗功同一日

皇躬八十有三年

恭和

御製題鑑始齋元韻

高軒收衆妙

鑑始此名齋地接丹霄近牕依玉筍排

前模循有準

淵鏡照無乖

堯德勤於耄乾乾仰

聖懷

恭和

御製題秀起堂疊去歲韻元韻

業崑嵐光排闥入芊綿草色上階過一牕碧落清無際
四座天風快若何乍沐雲根看起伏新梳佛髻對吟哦
升堂挹秀收羣妙共仰

宴遊逸興多

恭和

澎湖臺灣提督哈當阿道員楊廷理奏報早稻收成八
分有餘詩以誌慰元韻

澎湖自古蠻荒地

聖澤覃敷海嶼餘鹿耳波澄稱樂歲雞籠山靜慶安居
邊氓鼓腹知從

化小醜投戈慰望

予早稻已收秋更稔熙熙中外樂何如

恭和

御製題澄觀齋元韻

虛衷參衆妙登眺事多仍

小坐日移晷

萬幾籌所應齋心閒有得觀物敬能勝止水詎堪喻聖
懷淵海澄

恭和

御製六月朔日作元韻

箕風畢雨兆陰晴稼穡都闕

廊廟志林鍾律協佳日長閭闔天開散雲意瞳矐旭景
徧九閔靄靄穹窿澈邊際祈晴無事扶陰蛻五色雲書

大有字

恭和

御製扎什倫布廟誌事疊去歲詩韻元韻

迢遞烏斯藏禪關襲舊稱拓疆

功可紀稽古事何曾繼以懷柔遠先之捷伐應規模垂
壯麗寶氣上方騰

恭和

御製遊獅子園元韻

杲杲金烏跋海雲萬山排笏掛初昕

六龍駕處

宸心暢

四得全時衆望欣每涉

邱園推至論允懷

先德述前聞登臨疊紀

奎章燦八十年如一日勤

恭和

御製宜照齋得句元韻

雲幻一磴足盤旋天馬龍驤漫着鞭如鑑如衡銘

座右一邱一壑擁階前隨宜道協清風頌坐照神超秋

水篇共仰

宸衷昭萬類

至人心鏡本瑩然

恭和

御製含青齋元韻

萬疊烟霞簇碧山高齋翼起斷雲間
牕中列岫翠如滴天外數峯高可攀
吟咏未忘

宵旰永登臨
怡趣

豫遊閒

坐餘慈禱看無際
綠滿階頭草不刪

恭和

御製玉岑精舍元韻

空翠棲巖端蔚然自遠至結屋山之隈嵐光排闥易碧
岑環作屏森森插寒玉風清室一隅几席鬱深粹聖心
如玉瑩湛然萬物備

恭和

御製山東巡撫吉慶直隸總督梁肯堂各報雨水田功
情形詩以誌慰二律元韻

粟滿天儲聚萬艘舳艫銜尾勢真豪秋垂風雨帆如送
船壓黿鼉浪不撓東武地腴農有慶長安米湧價難高
督臣奏報聯飛騎用慰

宸心望歲勞

齊魯豐亨報浹旬近畿禾黍又懷新乃知各屬雨賜合
共沐

一人恩澤均漕米隨時輸地部官糈計日過通津懸知
楚尾吳頭外處處秋成賽社神

恭和

御製雨元韻

六月六日天氣晴萬里長風散雲陣須臾黶黷氣乍凝
觸石蟠空作雨信塞山突兀橫烟鬟陡閃雷鞭阿香迅
此時雨足正望晴喜看雲收怯雷奮秋成有時萬寶登

過雨還虞禾小困倏然日出山之南雌霓高懸散農愁
燭龍銜耀塞田清九陌歡騰氣無悶

恭和

御製書懷元韻

山莊儼都會暑退尙餘炎嵐翠三秋近人烟萬竈添
聲紛唧唧巷語隔簷簷更喜新晴後微涼澤又霑

恭和

御製永恬居疊去歲韻元韻

旭日媚幽壑野花香可拈一心閒處適羣妙靜中瞻勝
境雪多覆佳時暑可淹深居懷

祖德茂對

聖情恬

恭和

御製漕運總督管幹珍奏全漕抵通日期詩以誌慰元
韻

萬艘乘長風軍儲蹈成例責運唯舵師程功視大吏國
朝南北通河伯爲襄事舳艫銜尾下千里魚貫一民以
食爲天邦於本是計玉粒充官糈蒲帆可立致遂令薄
海垠處處食

君賜年來河効靈舟楫力如倍往返無愆期積貯勝常

歲勉爲濟川才豐年勤撫字

恭和

御製雨元韻

且月當晦節甘雨隨風遇赫赫懸銅鉦殘暑恣炎歊好
風解愠來燭龍勢不驕四山儼壁絮靄靄鋪清霄霖霖
天漿霏酷暑如冰消郊原稼正熟暢遂滋根苗隄喜土
膏潤不虞木葉焦微雲烘日回曦暉躍翌朝旣雨復不
靈用慰民無聊迢迢
九重心腸雨躬自調

恭和

御製直隸總督梁青堂奏乘時買補倉穀以資儲備旣
紆傷農之嘆復資遇歉之綢然非逢稔歲豈易得哉
詩以誌事益切惕乾元韻

惠政濟時昌官輸衆樂償依然薄征意通作便民方出
納隨豐嗇權衡計蓋藏常平遺法在富歲憲成章

恭和

御製登四面雲山亭子元韻

排闥嵐光去復留四圍巒壑一亭收烟雲自與塵寰隔
猿鳥都隨

上苑遊吟咏好尋山面目登臨常計鶴春秋追維

祖澤頻成什翠嶂丹崖似舊不

恭和

御製留京王大臣奏報京城晴雨應時炎暑已退穀稼
豐收詩以誌慰元韻

樂陽近卜秋成早

畿輔秋成報更詳九陌田車爭納稼一行塞雁遠迎涼
秉遺穗滯人多賴櫛比甯崇歲有常共仰

宸廊勤五政

計晴問雨敬逾獲

恭和

梅庵詩鈔

卷一

六

御製啟蹕幸避暑山莊卽事有詠元韻

翠華東指灤陽道

親馭龍媒轡自操
俶儻久知天馬健
騰驤遙蹴塞雲高
聖彊不息寧辭遠

祖制相循敢憚勞
珥筆詞臣叨侍從
時巡盛典快頻遭

恭和

御製石槽行宮晚坐元韻

石槽初駐

蹕不覺馬蹄遙地已忘徂暑

心仍懷有苗近山嵐翠合遠樹暮烟消
應候占時雨林

無一葉焦

恭和

御製福康安和琳奏攻克蘇麻寨一帶賊巢詩以誌事

元韻

軍書萬里馳奏章

天威懾伏誰敢當

王師所嚮若時雨
么膺逃竄心膽亡
先縛賊目問賊首
蜂蟻不足稱擒王
藐茲小醜作不靖
蠢蠢餘黨罹天殃
巢穴盤踞蘇麻寨
禍心叵測深包藏
五將奮勇據形勝
屯兵要害橫津梁
攀援涉險魑魅匿
四路攻擊揮戈將

轟天一炬賊虜粉短兵飛刃凝寒光擒渠戮馘搃其穴
首惡雖颺終遭戕帥謀將勇不遺力

宸算鉅細何周詳勢如破竹度天險蠶叢有路開羊腸
揚戈磨盾務歲事露布不恤郵傳忙
十全功成有苗格雕題鑿齒同嘉慶

恭和

御製秀起堂元韻

嵐色晴宜雨更宜數峯排闥日遲遲階前樹合銅鉦轉
天外雲從玉女披萬里軍書

權進退八方穀價

問參差

幾餘坐愛山堂晚半是

籌邊望歲時

恭和

御製林下一首三疊乙未韻元韻

廿年懷

聖製林下述安便萬姓盡翹首

一人難息肩彈冠今有慶蠲展清誰穿矍鑠耆英會遭

逢

邦治年

梅庵詩鈔

卷二

六

恭和

御製澄觀齋有會元韻

至人體萬物淵然義理生復借物觀我物我介乃明不
以我歧物其用惟我貞不以物滯我衆妙道愈澄觀

平聲

觀去聲義無二於焉觀厥成

宸心挾輿蹟以靜復以誠逢源左右宜妙趣如歡迎義

經儼冰釋

聖學專以精

恭和

御製出古北口元韻

秦城百二路雄關西控燕臺鎖鑰開天外渴虹鞭雨驟
日邊龍馬蹴雲還塵清

蹕路蒼巖合水湧津橋翠嶺環自喜前驅看日出朝陽
紅映萬重山

嘉慶元年元旦

授受禮成紀

恩二首

五雲高擁

上皇前

授受儀成鳳諾宜瑞輯河山逢

舜日元週甲子紀

堯年衣冠萬國圖

王會禮樂千秋耀史編更喜微臣叨侍從玉階恭導拜

恩先

內禪登極
德明與臣鐵保對引

恩蔭遙頒遍上卿厠身班末弟隨兄逢時

詔溯

三朝典匝歲人分六品榮

元兒甫週歲
膺六品恩廕

再舉耆筵周野

老頻叨異數到書生文章報

國知何事葵藿心期向

日傾

恭和

聖製孟秋朔日作元韻

靄靄嵐光變夕陰快晴甘露異秋霖
牕中霧束山腰重天外虹牽雨脚沉
氣爽不須雲作陣農歡恰喜刻爲金
八埏樂利同霑

澤大有年徵

帝德欽

恭和

聖製喜晴元韻

樂歲驗風謠陰晴紀隔朝

聖懷方惕惕

天聽已昭昭萬頃新禾結千巖宿霧消雨暘期不爽律
呂四時調

恭和

聖製出麗正門觀稼作元韻

六龍高擁麴塵過曉

出宮門閱晚禾山水清依

宸路近桑麻濃比塞雲多陌頭樹作迴風舞牛背童賡
扣角歌爲喜烝民安衽席嘻嘻作息不知忙

恭和

聖製瞻禮安遠廟用庚戌年詩韻元韻

西方禪悅地品欲證金仙乘遠崇邊俗開宗紹昔年一
乘源可溯八極福應駢

聖敬懷深畧

宸遊豈偶然

恭和

聖製江南河道總督蘭第錫奏報豐汎六堡黃河隄工
漫溢詩以誌事元韻

河清久矣靖洪濶偶溢平堤作淺灘沙岸小虧通古堰
鯨波隨勢涌奔湍隄防未密臣愆重宣築先周

聖慮寬

厯念偏災勤撫恤耕桑快覩庶民安

恭和

聖製獲鹿元韻

聖武高標自異常

期頤羣仰健行經審機巧勝弓穿革遺響光如劍觸芒
覆處漫疑蕉夢幻逐來翻笑獵人忙

御厨珍味增新品侍近

恩叨一嚮嘗

詩也者性情詣力之所寄也人非總角交則無以得其
性情之真而闕其詣力之至使知造物者鍾毓有獨厚
而盛年乃益底於成治亭先生詩名滿天下當世之想
望丰采者徒覘其敷歷中外三十餘年陶淑勛華彪彌
照世以爲和聲鳴盛之學自應美富如是是未足以盡
知先生者也予弱冠時與先生同里閑切劇帖括往來
無間見先生所爲詩英銳之氣不可一世目爲畏友嗣
卽同出春甫王夫子之門益復討論淹雅佩其操觚弄
翰蚤莫不輟迨應官後或仍歲不相值然歸而聚首未
嘗不剪燈快讀新詩也顧先生屢典江南山左之試山

川勝地人物風流皆入蒐討微論大邦絕特之士拭拔
無遺卽其地之賢士大夫亦無不賄韻分牋推先生主
持壇坫故其時篋中詩帙哀然日多猶憶早年雋句如
山行云草深僻路客談虎日落遠山人牧羊秋興云細
雨尚滋當路荀西風未損向陽花咏史云全銷鏤甲兵
仍結不築長城治亦難傳誦一時者尚在悔其少作之
列芸臺中丞爲編次梓行之予受而卒讀旣以美選定
之精審且知奚囊中尚多舊繡也今又十數年矣先生
袖領封圻治行爲天下第一發爲詩歌彌復宏富其音
淳龐而雍容鏗鏘而韞韞如王子晉向月吹鳳笙隨風

抑揚聲在雲外至其聲洪實大如河流之發源於天江
漢之朝宗於海豈淺學所能驟窺堂奧綜前後而論之
乃歎黼黻昌明蔚然炳然成一代之巨製予固早珍聲
價於數十年以前而尤以驗後此之勛業文章於勿替
也予老矣立言立功無所表見念兩人交誼之久無有
如此深且摯者用弁數言以志繾綣若云導揚鴻製則
先生門生故吏散布宇內魁柄風雅又焉用予之弁鄙
不文爲哉時乙丑閏夏旣望年愚弟百齡拜撰於章江
舟中

國家肇基大東統一區寓料元運靈之

聖作於上助期叶輔之臣承於下淵岳一心簫勺羣慝
美哉盛矣若夫聲英克炳則望若神人毫翰如流則蔚
乎作者擬之康哉陳於虞陞穆如扇於姬代鏗鏘焜耀
震盪耳目如制使梅菴先生者蓋其人焉先生感星精
而生負嶽立之概金桃應對於早歲銅雀成文於援筆
每當燃脂冥寫摘葉晨吟早能屏謝鉛華折衷訓故風
雅一律憂樂繫乎蒼生經濟萬言雷雨起於方寸宏量
遠致雖沂國和羹之句萊公野渡之章揆厥兆端猶渺
渺爾雲路旣接駟蹄斯騁時則令弟闡峰先生連裾於

芸閣分鱸於蓬池，織並清華飲。耽文字而錫麒麟，荷賓筵之召交騰。酒座之歡，筆點新毫，硯磨殘石。每至烏陽，欲下魚鑰，旋催歸已。脂車吟猶在口，也不謂尋詩之夢，春草已非對牀之談。秋雨欲歇，獨先生仰邀。

殊寵游歷崇階，往往愴念。鵠原寄懷，關谷乃安。石繫望久，在東山召伯。循行遂來南國，得以仍親履舄。重問起居，感其高牙大纛之間，不忘白髮青燈之侶。思光賦海，許讀於長康。太冲研都徵言於元宴，業承光誦敢効愚忱。今夫駢驅異馳，必總轡於造父之肆。絃匏殊響，終協律於師曠之庭。是故取多者用宏，慮周者藻密。況先生

採蟻珠於元圃探瓊寶於幽穴祥金躍而鎔鄒出素腋
聚而狐裘成嘗輯滿洲詩人數千餘家進呈

乙覽

綸言嘉獎俾卽刊行此則文苑英華麟師鳳儀之美玉
音問答龍言夔拊之休不朽讓乎古人嘉惠被於後學
而先生金針度出海水收回統大魁而爲笙據中流而
作柱其大固無不包也其神亦無不貫也而且歌出塞
之曲則身歷臨榆賦觀海之篇則目窮溟渤以至持簞
節載韓章涉跋山川命名草木佐

天子塞晏之化陳斯民疾苦之源詞欲吐而白鳳飛掌

乍開而靈蛇耀大抵樹漢魏之骨而運以神明剖李杜之精而增其氣象其間性情之摯忠愛之深韋孟文章獨含悱惻沈顗著述不尚浮華沉思極乎杳冥真氣釀爲醇厚豈徒子虛奏賦敲宮女之銅春雪裁詩織弓衣之錦而已哉錫麒自揣寸莛無益鯨叩敢矜螢耀希附龍燭徒以同直

承明之地謬辱知己之素習覽篇什有擴聞見謹就遭際以論高深則大夫九能擅升高之選會昌一品名等身之集庶乎盛業可得而稱所惜詰弟多才風流頓歇不獲合壘簾之唱刊棠棣之碑用敢述之簡端旣幸名

世之得見於今益令勝會之難忘於昔云

嘉慶十年歲次乙丑夏四月錢塘吳錫麒拜撰

自古通藝之儒所以馳譽揚聲傳之無窮者有二焉曰書家曰詩家言詩之士所以信今傳後卓然不磨者有二焉曰選家曰作家書者詩之形也詩者書之志也是志也可以體物可以言情可以崇正黜浮而爲選家之首可以和聲鳴盛而爲作者之宗故讀其詩而知其書之工讀其所作之詩而知其所選之盡善此自然之理也古之長於書者無過太傅右軍而皆不以詩名唐褚遂良歐陽詢書傳而詩不傳杜審言自謂文章過屈宋書跡過右軍然詩傳而書又不傳獨虞永興有從軍行諸作顏平原有癸亭諸作與其書法並傳張旭善草書

而以近體詩傳顧寥寥然罕或成集宋之世若蘇若黃若蔡若米皆以書名而能詩者獨有蘇黃二家蓋多材多藝若此其難也古之選家所選或不傳傳矣而自爲之文若詩或不少概見惟梁蕭統文選爲後世詞人之祖統詩具載集中梁書以爲統集有二十卷而今止六卷陳徐陵撰玉臺新咏而陵自有集六卷隋書以爲三十卷他如鮑中集撰於唐元結而結自有次山集松陵集撰於陸龜蒙而龜蒙自有甫里集西崑酬倡集撰於宋楊億而億自有武夷新集唐百家詩選撰於王介甫而介甫自有臨川集中州集唐詩鼓吹撰於金元好問

而好問自有遺山集唐賢三昧集明二家詩選唐人萬首絕句選撰於

國朝王士正明詩綜撰於朱彝尊而二公自有精華錄及曝書亭集炳炳麟麟著於後世非獨擇之也精抑其吟咏情性逸羣而絕倫也吾師鐵梅菴先生工於爲書與劉石菴相國王夢樓太守梁山舟學士齊名相伯仲又精於選詩手輯入旂詩上溯崇德至乾隆六十年得詩百三十四卷爲

昭代文獻奏上

天子嘉其搜羅富有選擇得宜

下詔褒美

製序冠簡端

命名熙朝雅頌集世之慕先生者皆曰先生書法之妙
選政之精已足以成不朽之業矣而

端

曰是未知先生

之深者也夫玉蘊而虹見於天珠藏而岸爲之潤其外
著者美矣而謂其至精且良者唯在於是其可乎蓋先
生善爲文若詩廼者以詩若干卷示

端端

受而讀之見

其薄風騷窺漢魏沈浸濃郁卓犖紆餘遵古人之規矩
而神明之攬古人之菁華而醞釀之蓋舉其作書之神
選詩之識而皆見於其所作之詩美哉所謂至精且良

者其在是乎抑更有進者先生濟世材也理漕運撫山
東

帝用嘉賴民用謳思嘗詒端詩曰文章政事兩相須始
信吾徒術不疎然則先生之爲詩乃其經濟之緒餘發
爲文章而讀其詩可以想見其人則豈惟書法之妙選
政之精未足以盡先生之學卽以先生所作之詩日讀
萬過亦猶執一草一木以言山也夫

嘉慶甲子嘉平旣望門人清溪徐端謹序

棗庵分體詩鈔四卷吾座師宮保鐵冶亭夫子所著乃
此詩之第二刻也曩師於甲寅之歲典試濟南時元以
詹事之職攝官學使揭曉後得請於師乃付槩槩茲復
以傳寫之過煩易編年爲分體裁汰不多取盈稍半爰
自擬古而降雜以開府所作山谷精華之錄在史季溫
未補以前東坡分類之編出王龜齡已注之後詩之推
重於世如此師斧藻羣言琢磨令德敦篤孝友陶寫性
靈乃至體有四變官及七遷則自序已詳發言之矣若
夫忠規武蹟物疎道親榮問日流激昂成業莫疑斯在
豈不休以經濟爲文章以匡弼爲根本則揚聲光陸

以準的乎典雅韓范文富不足羽儀其清麗使舟所
至尺一交馳持觴節於海隅披縑衣於魯甸轉粟激腐
塞上飲馬拓跋城南紙墨一飛宮商互激吐納珠玉之
音卷舒風雲之氣雖穆如之頌無以尙焉且以淵源學
問砥礪節操祭彤兄弟竝著賢勞韋賢父子代有重望
一時桃李多出公門九列槐棘半皆弟子此又非耶律
湛然之集所能叅其駿偉之詞西涯懷麓之編可以效
其紆餘之思以今準古茲以方諸元少媿雖囊遂攀鳳
舉夙親笙典得御龍門非北海之多能有彭宣之殊遇
竊意古人編詩半出於門人手故昌黎一集李漢之論

則以爲周情孔思持正之評又以爲涵今茹古不揆櫛
昧竊取此義昔師甄擇羣材

天顏惟穆徵刻

熙朝雅頌一書

元

深以得附名簡末爲幸茲復導揚仁

風紬繹斯悒雖道園學古斯文未遑而東國人倫服膺
有在書如雜記重見德聖之編詩比毛公敢爲大小之
序

嘉慶十年春三月受業揚州阮元謹序

座師長白宮保公維清堂編年詩座師中丞儀徵阮公
刻之山左在嘉慶丙辰丁巳間凡十有卷海內偉
抱樸學之士既仰北斗復御南車思王之作言成一家
昌黎之碑誦者萬遍厥製偉矣羣尚翕然而公冲懷不
盈進取無倦資之深造悔其少作覆加刊定蓋存者十
之五六焉益以戊午以後之詩易編年爲分體乙丑春
河帥徐公心如刻之濟寧凡十有卷公郵示其門
下士全椒吳蕓讀之而命之叙維公之詩問津雅材探
源選理樹律必依杜曲通變兼及劔南此深於詩者皆
能知之奚取蕓言顧嘗辱暗索之明繼都講之後神淵

九潘遍與諸生廣厦萬間獨依幸舍餘暉親炙真詩可
言竊以爲公之立言所以躋於古者本乎性情之正兼
乎忠孝之全也公內行絕人至性甄物百日之制自遵
朝章終身之慕無間中歲與令弟少宰公阮舍雖分姜
被仍共或看雲華陞或聽雨先廬離合不渝悲歡無間
如形在而影隨如拇傷而心痛迨乎謝草之夢竟遙孔
梨之歡永罷憶聯床之樂對客失聲聞斷雁之鳴登高
罷會撫猶子於孤露礪率祖以清風婚冠之禮早成師
友之遊必擇本一心之精白受

兩朝之知遇士林倚其中立

聖人知其無黨不援勢以求進不徇眾以固榮述清第
之世範懼慚卿長道昔賢之素尚足式廉懦旣乎九棘
列位八州作督不濁之泉出山能潤直上之雲觸石爲
霖且公弱冠登

朝盛年秉節樹人之慶內外八座奠川之績拱揖三公
撰鄉人之集

至尊賜名購大賢之書遠裔得寶而乃位尊心下地腴

身瘠懸眉有戒防意惟嚴

公於節署懸禮義廉恥四字於廳事又於坐卧處大書驕

奢淫佚四字細

疏其弊以自警故能因心揆藻履道成章七音中度而

無繁聲五文煥彩而無間色讀者生其禮讓之心篤其

君親之愛詩非小道於茲信矣他日功德益崇津梁未
倦稷契許身大川克濟文章華國名山允藏燕門下士
又部人也叙會昌一品之集賦中和率職之詩善言德
行或進於是二月望受業吳璵拜手謹序

芑孫不自量度刻行所謂詩歌古文辭吾師冶亭先生
方巡撫山東得其書爲序以誇異之已而公亦自定其
前所行詩增著若干卷命芑孫序諸其端伏念公門生
故吏徧天下其能文章善持論把旄持節身在日月之
際者故多有乃獨有取于孤賤無所知名如芑孫者豈
以其事公久又磴磴不解隨人爲俛仰而言之龔若有
可信用是不敢承亦不敢辭皇恐累日而爲之序曰天
將以一代之文付諸其人則必與之以高一世之氣廓
之以容一世之量其人以一代之文自任則必有其肫
然不自己之情與其欲然不自滿之志古未有不如是

而能以其一日之遭際自存天壤揭諸千世百世者公
出滿洲以進士起家自

高宗朝敷歷中外三十餘年所結知於

聖天子者不專用文字顧猶以文字爲性命儒生學子
聯茵接襁擢揚下上不異老寒士手緝我

朝崇德以來滿洲蒙古八旗作者三千人詩爲

熙朝雅頌集上之

朝

上旣命之名又

親爲製序頒行蓋自

國家肇基建號于茲百有九十年矣然後滿洲蒙古八旗文獻粲然備見於世自非天以一代之文付公公以一代之文自任何繇及是公旣自任以一代之文其才恢恢乎無所不有所爲詩久已傳頌藝林其於字句得失豪芒之間宜無足置慮然公必躊躇審固一再洗削無憾而後卽安今於已行之詩方且不惜重刊蓋古大人君子所欲求盡於事物而肫然不自己欲然不自滿之心雖於詩猶如是也比者公由巡撫奉

命總督江南江西疆域縱橫數千里嗣此江南西四布政使司三提督總兵官所領隸文武吏民凡所待治於

公者盤錯糾紛聱牙棘手情勢蔽虧倉猝莫尋其端委而公爲之措正施行于其間上以報

國下厭時望其心之所欲然不自滿而肫然不自已一如此詩矣書以復於公并以待讀公詩者共質焉

嘉慶十年春二月門下士王芑孫謹序

詩隨境變境遷則詩亦遷古人彙千百家爲詩而詩不
同一人彙千百詩爲集而詩亦不同境爲之也余自髫
髻隨先大夫官於易學爲古名區多慷慨悲歌之士
涉荆卿頽波登金臺故址少年意氣動與古會然時方
攻舉子業不遑事吟詠偶有所作率寫胸臆不拘拘於
繩墨故其詩出於性情流露者居多此一境也通籍後
觀政吏部筮仕之始志氣發揚不知天下有難處事抑
塞磊落不減少時此一境也旣擢詹事鐫級家居初列
校書之班再遷農曹之秩八世漸深意氣初斂詩格亦
爲之稍變此又一境也戊申冬余年三十有七膺廣庭

相國荐

廷試第一不四十日由翰林學士

擢禮侍與

經筵兼都統典試事感荷

殊榮自慚非分此又一境也夫詩成於我境成於天少壯異其時窮達異其遭喜怒哀樂異其節強而同之亦慎乎且詩以紀事紀

君恩緬 聖德申岷岵之恩寫棠棣之樂篤室家之愛聯友朋之情推之山水奇蹤風雲變態鳥獸草木託興適懷詩存則境存於以驗少時之性情証中年之得失

勵晚節之操舍所關綦重非徒較章句短長自附於文
人之末也甲寅余與試山左值阮閣學伯元方以宮詹
視學其地索觀稿本竟留付梓伯元調兩浙續索近作
並鋟之伯元篤於師友愛而忘其醜禁之不及然余之
自信則未也起丙戌十五歲訖乙卯四十四歲應
制詩一卷則多屬近作云鐵保自序

卷之一目錄

古樂府

日出謠

走馬引

空城雀

玉階怨

明河篇

御溝怨

雉朝飛

東門行

結交少年場

長安有狹斜

黃金臺

豫章行

邯鄲才人嫁爲廝養婦

長安酒家行

五言古

舊遊

春雪

久雨

良夜

秋日偕恒益亭張雲塍德樹之及弟閭峯登翠微

山絕頂

登西山最高處

秋夕

九日偕劉九虛白恒六益亭登釣臺

孔水洞

登石景山浮圖

石經臺

秘魔崖

龍泉

哭奉恩鎮國公益齋主人

雨窗聽仲梧彈琴分得雨字

秋夜

題友人照

雪窗用昌黎秋懷韻二首

向火

雷雨

荅仲梧用東坡韻見寄詩兼示閻峯

樂平習射疊前韻寄閻峯

再送閩峯

雜詩四首

過東方曼倩故里

遊醉翁亭

嚴宵

纂八旗通志人物志身事前朝及晚節有虧者槩
不存錄詩以紀之兼呈曉嵐大宗伯

雜詩八首

涿州道中

新城道中

讀史雜詩

鬱鬱

雜詩二首

閨中題馬秋葑北都藍筆山水便面

督漕北上雜詩六首

五日重興舟中雨二首

題蔣香杜孝廉母氏沈孺人紉箴課讀圖

冬日于役廣陵過江遊金焦返棹維揚得詩六首

卷之二目錄

七言古

朱碧山銀槎圖歌

草書歌

霹靂

樊將軍

種竹歌爲慶似村賦

前畫虎行

後畫虎行

讀呂叔訥廣文讀史二百四十韻喜題長句

題石田翁遺照

銀瓶娘子詞

題倪文貞公疎林遠岫園

古赤銅刀歌

後赤銅刀歌疊前韻

雪中小集用東坡興龍節微雪韻

約齋十硯歌用東坡龍尾硯韻

燈節前四日微雪趙蘭生孝廉過齋中用東坡興

龍節詩韻

西山寺宇多前明閩人所建瓊宮紺室參差岩壑

碑刻姓氏間有存者感賦長篇用識軼事

題黃左君藏倪高士詩草墨蹟

臘月十九日集蘇齋作坡公生日觀宋漫堂小像
及西陂草堂圖用西陂集中祭坡公詩韻

題朱春山孝廉小西湖春泛圖小照

灤陽客中長歌寄懷姜度香司寇

自題相馬圖小照

錢武肅王鐵券歌

冬日邀百菊溪法時帆文芝崖諸君子石經堂小

集

米老硯山歌爲羅兩峯賦

雨中登臨江樓作歌

南唐官硯歌

蜀鏡詞

顏魯公名印歌

湯天池鐵畫歌

題石田翁畫虎卷

桂未谷指頭八分書歌

李老人歌

騰禧殿詞

玉熙宮詞

題王蓬心臨北苑瀟湘圖卷

華嶽廟碑歌

英夢禪指墨山水障歌

魚鷹行

南旺詣朱尙書祠

舟中風雨楚艘大桅爲雷擊斷長歌紀事

諸葛菜詩用工部古柏行韻

喬女詞

遊焦山

小石梁歌爲仁和李生賦

天妃閘歌

寄焦山借庵和尚用東坡寄澄慧大師韻

焦山紀遊用東坡遊徑山詩韻

卷之三目錄

五言律

山行二首

重九後二日宿龍泉庵二首

晨起

枯坐

題傅頭陀雲指畫

一
有懷亡友益亭宮允

西郊晚眺

破寺

西山道中

讀鄉前輩遺詩感賦十二首

廢寺

密雲道中

晚宿姚家庄

較射再示諸同人二首

早赴西園

題秋浦侍御小照

懷甘道淵

次韻荅時帆學士寓居灤陽僧舍

幽棲

小閒

灤陽客中作

次時帆學士韻

古北口令公祠

宿田家

春雪

壬子上巳郭外感賦二首

涿州道中風雨

發新城

懷弟閩峯

道中感懷

宿花莊

臨淮關望淮水作

滁州道中

贈攝山張處士玉川

登報恩寺塔

雄縣舟中

冬日小集贈元圃中書

元圃移居喜贈

贈鐵夫

獨坐

咏諸葛菜

眼倦

易州

重經易州鎮署感懷四首

哭弟聞華少宰四首

姜文廟兄弟闕峯山名感舊

過松山杏山作

題英夢禪小照

興京道中

汪清邊門道中

山行

渡黃河

舟中

舟中不寐

題黃心盒所選今詩所見集

鄭口曉發

淮安古蹟八首

春草

微雨

破寺

廢塚

壞橋

斷碑

敗壘

崩崖

缺岸

廢宅

空城

枯井

卽席呈楊庵同年

輓恒餘堂觀察四首

秋夕

書家牧牛子詩集後二首

和元薩天錫齋中十咏

焦桐

破硯

木月言金
卷三
一
殘畫

舊劍

蠹簡

敗裘

塵鏡

廢檠

斷碑

臥鐘

續齋中十咏

陋室

癡童

破筭

廢稿

做帚

缺案

退筆

舊墨

漏卮

殘帖

廣齋中十咏

研山

藥籠

茶竈

談塵

蕉扇

藤簟

唾壺

竹杖

紙帳

山屐

卷之四目錄

七言律

古北口道中

秋日雜詩

興恒益亭宮允四首

上方山紀遊六首

兀坐

送福將軍督師台灣

秋郊

試馬

習射

習射示同人

偶成

臘盡立春日偶成

守歲

放歌

四疊研露老人韻

次韻荅閩峯

灤陽九日登高

蒙 恩補授內閣學士恭紀二律

西郊紀遊

經西山廢寺感賦

環溪別墅看荷花作

書近況

扈從避暑山莊道中步朱春山孝廉韻

寄弟聞峯

古北口道中雨

懷舊十首

卽事

攤飯

贈友

春夜

雨中過鄒縣望嶧山作

懷弟閬峯

臨江樓和壁間韻

重登臨江樓

登攝山最高峯

雨後

幽棲

夏日漫興

露坐

望華不注山

濟南闌中作

闌中與遠山同年話趵突泉之勝

又用曾南豐韻

濟南闌中聞弟閔峯典試順天喜賦

濰陽道中用朱楠台及門韻

白屋

喜澣亭司寇自回疆歸

春日

立夏日作

次及門程禹山韻

五月二十一日微雨偕及門吳山尊程禹山西郊

散步偶成長律

齋居

雨後用前韻

閒居效放翁

春日用去歲花字韻

出郭

易州寓中

坐易州鎮署

次韻寄懷奇麗川中丞

哭阿文成公二首

寄懷粵東學使恭蘭岩閣部

法源寺看花并贈羅兩峯二首

次韻李松雲同年二首

夏日

右遷少宰感懷一首

除夕感懷

己未中秋

憶故園梨棗

元兒六歲解問字頗有德色戲記以詩

九月初二日

太上皇帝梓宮奉移

臣

鐵保以

留都司寇不獲隨班恭

送詩以誌慟

瀋陽寓中二首

庚申清明

舟中讀馮星實鴻臚箋注蘇詩寄懷二首

泊彭口晚眺

夏鎮舟中

舟中漫興

魚台舟中

登太白酒樓

題黃小松蓬萊閣看碑圖

天津道中寫懷四首

與韓旭亭話甘道源事次韻寄懷

自題臨榆望海圖照

興復淮安義學感賦

辛酉歲杪言懷

讀程禹山冬夜雜感詩情見乎詞卽次元韻廣之

冬日約諸同人雅集已定期矣因有揚州之行詩
以代柬

寄同社諸君子

登焦山最高閣

題徐心如觀察秋屯夜月圖照

題蛟門先生三好圖卷

東昌道中對月

卷之五目錄

五言排律

喜聞金川捷報十四韻

登古薊門二十四韻

觀搭涼棚作

序宗譜二十二韻

奉

勅纂八旗通志恭紀二十韻

纂八旗通志名臣傳二十韻

書東堂唱和集後二十韻

題趙味辛中書世德詩十二韻

五言絕句

貧女吟二首

入山

試馬二首

秋夜

桐樹

冬夜

七言絕句

讀甘道淵感舊懷人詩題贈二首

蓮花池

瀑布泉

西竺寺最屬

小寨石洞

遊豐台

遊山雜咏

過翁覃溪詹事蘇齋觀長公墨蹟用卷中韻題九

絕句

塞上曲四首

書所見

塞外口占

灤陽旅次

塞外夜雨

六月雨後西山紀遊四首

讀元史四首

木蘭從獵雜詩

次韻寄內

內子界烏絲闌並詩見寄依韻次荅

雪夜讀牧亭詩

偕及門諸子遊棲霞喜成絕句

步石庵參知題任月山進馬圖韻

戲贈阮學使伯元

戲會葆岩二首

題夢禪居士照

題馬湘蘭花卉冊子四首

柳條邊

贈廣時齋侍御

重興道中

鹽城舟中

讀書

高郵舟中

召伯舟中

過露筋祠

題黃心庵填詞圖

題五老會

梅庵詩鈔

長白靈隱寺

古樂府

日出謠

燭龍銜耀照海水千尺鯨波射雲紫珠宮貝闕靈鰲翻
馮夷跳波老蛟起天雞叫雲雲冥冥赭波怒激扶桑腥
羲和收鞭天帝笑九點齊烟一時曉雙丸跳躍年復年
彭祖巫咸幾回老

走馬引

壯士腰間一寸鐵棘影鋪風飛列缺襄陽市上氣阿雲

鵬鵠光寒讎血熱出門囊劍去樗里天下何人容不死
冰轟鐵騎聲模糊陡駭追兵動地起遺蹤稔視遍原野
不見追兵見天馬天馬何知天使來一嘯愁波向天瀉
歌走馬慨以慷沂澤之水何渺茫荆軻不返聶政老壯
士天涯長壽考

空城雀

空城雀飛飛空城裏朝食太倉粟暮飲枯壕水太倉粟
盡枯壕乾爾雀鍛翮雙飛翰迴翔欲下不敢下阿誰馬
上逞彈射爲語彈射郎此雀不打已可傷

玉階怨

銅壺露漉漏聲絕濕螢偷光暗蛩咽采恩簷冷雲母昏
斑竹啼烟淚痕滅玉繩耿耿雲氣冥鸞輿雜沓迴雙星
帝子停驂素娥笑一夜梧桐背人老下階歛恨彈箜篌
颯颯西風獵白草

明河篇

天風瑟瑟雲冥冥明河東下如建瓴遙空波靜雪練白
脉脉欲渡愁雙星千門萬戶冰壺裏有客高歌中夜起
欲挽明河入座來美人天際隔秋水

御溝怨

銅壺夜滴銀河蕊紅豆拋作相思子御溝秋冷波淪漣

芙蓉泣露萍花死西風教林林影裂落葉殷殷杜鵑血
含情歛恨題新詞淚濕殘紅字不減回頭背立猶嗚咽
太液石鯨作人泣殷勤縱使到人間多恐模糊人不識

雉朝飛

雉朝飛麥畦下雄雌比翼鳴相逐不相捨我胡煢煢步
中野南山有羅北山有罟亦翔亦翺莫余能侮援琴歌
歌未已雉朝同飛暮同止彼何爲者牧犢子

東門行

出東門將何之野風吹沙天四垂丈夫胡爲泣路岐兒
牽衣啼悲不見兒顧妻前致辭淚下如注掉頭拔劍東門

去貧賤不返東門路

結交少年場

結交貴知心知心苦不早談笑揮黃金金盡人已老我
有豐城劒乃是百鍊精我有血汗馬千里可橫行腰劒
策馬去如駛白首相逢託生死

長安有狹斜

珠房月戶何處樓綠熊座擁揮青虬翻雲覆雨變朝暮
指天誓日輕山邱被服焜耀誰家子夜夜酣歌燕市裏
黃金如土散不收買得佳人矢同死鴛鴦同宿復同飛
珊瑚作枕翠作幃歌殘玉樹人何在夢覺青樓事已非

當年喜說長安好至今愁上長安道潯陽司馬濕青衫
昨日琵琶今日老

黃金臺

黃金臺高崔嵬昭王求賢賢不來悲歌擊筑燕市走戰
國奇才半屠狗屠狗之徒亦英雄不愛黃金祇愛酒吁
嗟乎千金買駿駿已死更欲千金買國士國士登臺自
隗始

豫章行

豫章有佳木千尺干雲霄鬱鬱經歲時不爲霜雪凋高
枝集鸞鶴低枝巢鷦鷯海日移扶桑天風吹動搖豈無

匠石顧材大不可雕坐此枝柯全深山蔚高標遇爲棟
與梁不遇芻與蕘

邯鄲才人嫁爲厮養婦

厮養亦有婦才人亦有夫不爲邯鄲人嫁彼誠良圖昔
爲貴人妾自愛同珍珠一朝事老卒誰問千金軀傷心
懷故宮新人復何如

長安酒家行

長安酒家酒正熟少婦當壚對客鬻五陵豪貴氣縱橫
走向壚頭炫奇服蹀躞寶馬珊瑚鞭錦衣窄袖爭新鮮
青虬紫燕共一醉十萬笑解腰間纏自言富貴本天賜

千金買笑尋常事不問羅敷更有夫
綠珠親見樓頭墜
回頭語少婦少婦長咨嗟
君氣高如雲妾命輕於花
朱顏有分藏金屋不嫁長安賣酒家

五言古

舊遊

六合曠無際舊遊良渺漫
我憶易水東翩爾心飛翰
近窗竹樹幽排闥
崗巒攢頽雲拔冷岫
日夕挺偉觀
明霞墮古峯
流影暉筆端
山禽媚幽往
林木欣獨看
側身燕昭臺
長嘯荆卿瀾
息心秘微尙
絕跡成古歡
舊雨散不收
新詩寄亦難
願登千仞峯
引領揮長歎

春雪

東風凍不發避此春雪寒
枯枝憂冰蕊響綴千琅玕
掬取煮石鼎淅瀝清肺肝
滌茲塵慮淨俯仰心何寬
跂彼鶴氅翁徒倚空長歎

久雨

久雨晝昏黑餘陰曖幽屋
天影逗明晦雲脚遞伸縮
枯楊發新姿低藤下深綠
土花夾荒逕垣衣被牆木
散髮走廣野振衣睇層麓
潛蛟匿奔湍激雷閉窮谷
快意溯清流開襟逆飛瀑
六合清氣蟠一吸欲滿腹
眴然發浩吟環坐媚幽獨

良夜

淒淒良夜晦羣慮澹將歇薄帷影孤繁虛寮納涼月積
雪明素堦棲禽杳庭樾危坐聊息機俯仰天籟發

秋日偕恒益亭張雲塍德樹之及弟聞峯登翠微

山絕頂

招邀協勝遊迢遞策馬足探幽欵虛牝攬勝跨層麓據
險儼飛仙攀蘿得健僕千章風怒排萬壑雲倒束長河
引帶渾圓湖盤鑑綠犬牙錯迴野蟻磨旋廣陸側身飛
鳥過長嘯眾山肅於焉邁豪飲倏已忘薄俗俯仰心崢
嶸呼吸氣清淑夕影屯繁陰頽陽挂巖木歸路良渺茫

經遊勞躑躅

登西山最高處

落木淡蕭瑟，颯然成暮秋。
探幽坐翠微，顧影誰爲儔。
傲睨四山外，飄渺蒼烟浮。
犬牙錯繡壤，村落圍平疇。
茫茫滄沱水，錦帶西南流。
遙遙天目峯，脈引崑崙邱。
高瞻愜遠抱，官爾忘百憂。
何事峴山翁，空懷千古愁。

秋夕

幽齋淒以清，枯坐當永夕。
簷風遞虛響，梁月逗寒魄。
新篁夾修徑，影落蒼梧碧。
高槐結重陰，空翠散瑤席。
遐心秘微尚，探古得奧蹟。
獨坐心徬徨，嗒然感今昔。

九月偕劉九虛白恆六益亭登釣臺

白日被廣野驚風薄長林連袂陟西原奮屐攀遙岑遙
岑下西曜西原羅重陰側身釣臺北走眼潭千尋嵯峨
遠山影環玦浮以沉頽岸逗礚礚危溜懸嶽峯激流無
恬波平水無近潯長風破浪至劃然開我襟我襟開向
誰滌此萬古心危坐愜遠抱引領揮長吟峨峨戲馬臺
兔穴狐亦侵渺渺龍山客人去復誰臨勝遊良在茲千
載情難任

孔水洞

今名雲水洞志載孔水洞懸崖千尺石竇如門時有白龍出焉樵牧往往聞絲竹音

有人乘槎窮源五六日無所底惟見仙鼠晝飛

瀨鱗遊泳而已

唐開元歲大旱遣使投金龍

玉壁禱之立應 金太和中
有桃花嶺浮出其大如無當錢
今洞在上方山深三里許有一
百八景各肖人物明末
徐文長有遊雲水洞記

陰森古洞寒夜氣歎白晝爲艷孔水名探幽破雲竇把
炬導我入穴小不盈脰偃僂蛇匍前人與山骨瘦中空
羅萬象眾妙燦如繡然犀照百怪目眩足屢仆壺中龍
象全海上樓臺構懸空滴鐘乳撲面飛鼉鼉更驚絲竹
音金鼓妙雙扣潏然澈心臆仙樂闌凡奏歸途儼蟻旋
空翠潑肌透忽驚一罅光天影碧如豆昔聞蟠白龍投
壁仰神祐復聞桃花片如錢泛清溜仙源此可通元牝
竟誰覲大哉造物心處處鬱靈秀我生負奇癖結想落

雲岫長歌謝山靈茲遊豈邂逅

登石景山浮圖

峨峨石景山凌虛跨金閣側身登浮圖秋聲滿寥廓洪
濤捲地軸天外桑乾落瀾梗萬馬奔浪蹴五丁鑿如伸
巨靈臂來撼陰山脚吾行踞絕頂走眼入廣漠俯茲青
雲梯積鐵壁如削昂首引長風倒影搖巨壑茫茫窮八
荒孤懷此焉託

石經臺

我登石經臺不見石經古咄哉何代建廢址圯風雨忽
驚石壁殘斷碣縱橫補金函半剝蝕鐵畫未魚魯大書

元和年劉公鎮茲土幽州與盧龍接壤涖部伍乃檢劉
總傳雄據實跋扈如何梟獍性作此騶虞舞奸雄入晚
歲往往庇佛宇穢德掩愈彰神奇化臭腐石爛臺已傾
遺文誰復覩

秘魔崖

巍巍百尺厓突兀雲盪胸盤薄鬱奇氣結此青芙蓉盧
師昔安禪飛錫遺元蹤階前兩童子化作雙青龍甘霖
被廣野化雨推禪宗至今石壁下趺坐崇金容天風吹
我衣側立蓮花峯至人不可見搔首誰適從秋懷渺無
極盤桓撫長松

龍泉

天風戰怒濤老樹如龍吼下有百重泉穴空作龍藪陰
壑氣渺茫元牝鬱昏黝湫中尺半魚蟠螭恐非偶會當
千雲上變化脫泥垢一雨滿山城再雨遍九有安能潛
污池見尾不見首

哭奉恩鎮國公益齋主人

風木含深悲言笑無由傳中年重父執爲與親周旋唯
公天潢胄嗜學如枯禪白頭據槁梧兀兀窮丹鉛人欽
列爵崇自視同一璫

橋山策寵命星駕來幽燕維時我先人開鎮易水邊奉

祀重

陵寢設官文武全外圍莅總兵內圍內府員外圍護風
樹內圍司豆籩內外事叅伍如脣齒相聯我父與公友
直道公稱賢相遭兩淡泊臭味無殊焉維時我兄弟垂
髫侍几筵趨庭偶有暇問奇爭後先峩峩神石莊潭府
天半懸快馬疾如風瞥眼蠶叢穿入門脫形迹高座鎮
相延愛我如子弟家世語纏綿愛我如生徒疑義窮蹄
筌期我以遠大勉我以摩研鼓我以聰明繩我以尤愆
時或採物理蟲魚手自箋搜奇癖石硯彙譜綜古錢纍
纍烏皮几寶光耀新鮮至今睹遺物手澤猶瑩然嚴風

撼大樹渺然難問天唯公締心交猶子恩情專胡爲返
虬駕猝爾館舍捐昔爲無父人猶見父比肩公今復下
世遺恨成風烟願爲存沒交地下金石堅賤子兩無狀
覩面步花磚竭力守遺訓不爲異物遷公言良不渝或
可慰重泉

雨窗聽仲梧彈琴分得雨字

時仲梧
新悼亡

佳日靄重陰微雲淡天宇兀坐淒以清空階散寒雨何
來素心友抱琴出環堵不見曾幾時胸中秘全譜展琴
置案上爲我一再鼓一彈心欲清再彈手欲舞遂令萬
籟寂淵淵入太古此時雨未休淅瀝瀝廊廡如聞歸風

操點滴助淒苦離鸞與別鶴愁腸分縷縷琴爲心之聲
中懷託手撫靡靡厭俗耳古微誰復取君懷實灑落君
調豈陳腐願爲清廟音巨響振天府罷彈擁琴坐天葩
互吞吐瑟瑟蕉葉飛餘音戰涼圃

秋夜

驚飈搜庭槐鏗然憂簷鐵餘音動幽竹蒼龍競擺掣唧
唧候蟲鳴草根遞鳴咽棲禽堅抱枝斂翼寒結舌有客
秘微尙兀坐守其拙揮杯讀漢書燈寒醉眼纈

題友人照

海風吹怒濤天入大荒碧據石彈素琴魚龍競歆射一

曲數峯青浪花落如席

雪窗用昌黎秋懷韻二首

暖屋釀窮陰兀坐發塵髻掀窗雪意濃垂簾白日永圍
爐火力薄透壁寒威猛排雲無健翮繫日覓修綆良朋
洽古歡小閒亦厚幸對此萬籟寂不覺繁憂屏

簷竹靜不喧煦日淡霽景皎然天宇潔萬象曜光罔春
和轉陽律寒氣那能梗高吟競白戰文陣快馳騁何能
擁匡牀堅臥絕造請

向火

萬類時遁藏吾人亦小蟄寒威逼火青團坐如蜂集入

門履聲猛奪席齒音澁雙顴阿有痕兩臂縮生粒狂呼
耳熱餘笑視眉然急獸炭遠噴薄葭管競噓吸久如登
春臺百骸氣翕翕起視繩牖外獰飈吹海立還歸圍紅
爐炙硯補新什

雷雨

激雷蟄空山蓄勢儼畏縮獰飈掀大野拔地裂山腹我
來傍岩居鉅響振古屋紙窗碎欲飛浙瀝濺囊籠須臾
快雨過螺髻試新沐披襟南山陲枕上落飛瀑

答仲梧用東坡韻見寄詩兼示聞峯

塞風如劒攢壁削芙蓉瘦陰晴易晨夕變化儼宿構培

塿爲兒孫童童列卑幼參天松柏姿骨相終古壽我來
萬山中岩壑競前後有如花脫益得地滋暢茂又如鳥
出籓高鳴快長喙何能塊然居忘視復忘嗅鐫鑿萬類
周山鬼避格鬥孤館成苦吟耳目困文囿

灤平習射疊前韻寄閩峯

挽弓當挽強運筆貴運瘦遺法遵師傅制勝出心構憶
昔佩觸時束髮齒俱幼習勞筋力強爲卜壯能壽弱冠
力柔翰弓矢儼居後看花來杏林棣萼快雙茂承先弛
豹韜鳴盛慚鳳唳將種爲書淫氣味尙通嗅快爭藝圃
豪儼事詩壇鬥天半聞僕姑懷鉛侍

靈園

再送闖峯

聯騎城東門送子馳遠道遠道何茫茫秋風吹茂草卅
年同匡牀疑義互探討嶄然頭角新次第科名早同官
守儒素學士媿文藻聯翩趨花磚時譽繼二保司馬官
匪輕乘傳抵豐鎬勝任難復難胡能列上考願保千金
軀努力事遠造嗟哉醫閭山健筆縱橫掃更溯鴨綠江
詞源莽浩浩丈夫志四方何能鬱懷抱

雜詩四首

陽燧逼驕陽真精貫曜靈陰燧濯寒魄氣乃通滄溟物

理妙機緘天地何瓏玲感者如操券應者如建旣達人
事達觀趨避都忘形

駑馬馳康莊如蹈澠澠徑鬱壘褒與斜乃見屈產乘驥
駟逞逸足九折力能勝王陽馭不迴致遠畧岩磴茫茫
萬里途夷險兩無定

息土富佳麗耗土出奇醜妍媸胡不齊物理有薄厚妍
者宜室家媼亦奉箕帚婚嫁無愆期兩兩從其偶天地
爲蹇修誰能辨姿首

鷺鳥縹錦條猛不勝一鶚邂逅餓依人礪吻颺寥廓養
士如養鷹輾轉事羈絡顧此脫鞵禽何如報環雀

過東方曼倩故里

我來高唐州一識曼倩里遺址沒荒墟餘風振遐軌昔
讀先賢傳名論著良史吐述爭滑稽蹤迹混奇詭終焉
託神仙變化謝金紫哀哉壯士懷溷俗豈得已不爲烈
丈夫乃爲奇男子

遊醉翁亭

滁山萬笏青遙勝得幽邃中有歐陽亭翼然臥空翠枯
梅挺異姿云昔公手植老幹標千年餘葉發新致四維
匝修竹天影不到地瀟瀟君子風林壑自生媚亭南疏
釀泉百尺漱清泌曲折雲碓穿噴簸崖骨墜亭中何所

有屢禩富碑記屹立坡翁書斑駁露神異遙遙六一翁
樂歲勤撫字醉飽滁人同酣歌豈遊戲我來醉翁亭不
識醉翁意咄哉羣吏醒何如此翁醉

嚴宵

寒柝鳴嚴宵枯坐羣動息楫櫓夜深紅抱影數短刻鎬
寒活火消硯炙松烟黑獐飈撼庭樹繁響透門闕四壁
無近聲一燈有古色明朝急封事欲睡愁反側頽然就
薄帷霜衾夢中直

纂八旗通志人物志身事前朝及晚節有虧者概
不存錄詩以紀之兼呈曉嵐大宗伯

一王締造初才必藉勝國駕御多英雄驅除亦有力
皇帝業成賞功列顯職終焉叩大節遺憾寄胸臆立傳
別真品史冊爲減色降此功名徒初節亦循飭末路弛
矯修儆身遭放殛有乖社稷臣莫作邦家直大哉人物
志標題樹彝則溯始必要終繩功亦引慝去取唯謹嚴
懲勸兩不忒願茲八旗人努力事明德遙遙身後名史
臣有彈劾

雜詩八首

祝融司炎節溽暑侵肺肝豈有飛雪散亦飲元冰丸內
熱鬱然蒸口燥舌亦乾散髮北窗下力屏百慮攢心涼

體漸適白屋生微寒乃知披裘翁不識羅與紈

廣廈千萬間天地爲堂廡中有苦寒士破屋題風雨
幃幃豈不周一夫恐失所吾齋實湫隘燕雀獲寧處
不睹屋漏痕深居避溽暑徧性成幽棲嘯歌出環堵

一飯椎千牛食不勝一嚮餘肉同山邱徒以飽雞犬
況當軟飽後鼓腹興可遣膏粱與藜藿美惡兩無辨
胡爲費萬錢天物自暴殄峻語謝荀廚餐餐吾知免

驕駟捕黠鼠不如狸狔捷噬指探其實賁育亦膽懾
豈不負神勇鉅細力難攝尺短寸有長鹽梅別舟楫
趨士懷孟嘗休聽客彈鋏

北山有惡鴟飛鳴競腐鼠不知世所棄自視等樽俎聚
族吞腥羶獵食豈能普弱者鍛翮去強者爲攫取礪吻
未下咽醜類復相侮翩翩鵠雛飛高鳴振寰宇

寧鷖撼落木不拔根芟全薄植易枯朽彼已傷其天喬
柯臥污壤摧折隨風烟更無匠石顧朽幹難方圓卓哉
松柏姿鬱鬱忘歲年結根傍雲壑誰知風雨遷

公輸奮長技巧乃越周孔斧鑿無所施嗒焉謝智勇微
才逞殊遇末藝荷優寵谿壑志未盈望蜀已得隴終焉
蹈禍機虛名笑徒擁

蔡澤旣蹙齲周爕亦欽頤世俗薄奇醜英雄重異姿菁

華本內含大美誰能窺俯仰玉山側齷齪韜光儀支離
紀蒙莊澹臺事仲尼人倫鑑有真母爲下士欺

涿州道中

野水不識岸汎濫無定鄉憑凌滹沱勢激搏惇波狂魏
橋高百尋檻倒如頽牆聞說道旁樹荇帶牽遠楊涿鹿
古通邑轍迹周萬方肩輿拔泥窟偈仄循羊腸乃知褒
與斜穩步成康莊放懷涉坦途蹙躅愁踉蹌雲程無近
期萬里同翱翔

新城道中

眾水匯成溪力乃爭向背弱流逆強浪寸進復尺退新

昌地污下積潦易奔潰直騎兩不通利涉喜船代北人
學操舟如馬失鞍轡縱橫積浦中盤折苦窒礙水陸無
定程風雲有變態茫茫一葦杭出沒波濤內

讀史雜詩

鍾鄧不令終羊陸俱壽考等之伐人國殃慶兩不保詩
史紀永安僭國一字掃紫陽嗣涑水卽位尊金卯昭昭
書法嚴何如天定早

五季遘昏亂篡奪等轉燭桓桓創業君甘爲亡國續壇
禪師莽曹旋踵奪成局載紀如夢絲邂逅門蠻觸卓哉
五柳君深潛伴松菊

季龍不讀書論古破漢史六國印俱銷天下賴有此一言決禍機何待諫方燬乃云遇沛公甘與韓彭比右侯足智勇信任如魚水縱橫戎馬間決勝千萬里磊落爲丈夫曹瞞狐媚耳

江東無卿比乃以資苻秦當其捫蝨談氣已折虎臣助秦以存晉正朔延江濱逆溫志跋扈頑梗勢不馴外侮如閼牆內變等厝薪危哉淝水戰天幸謀非人猛生秦以強猛死晉亦湮卓犖命世英王霸誰能論

鬱鬱

鬱鬱千章木用乃爲棟梁惜哉枝葉疎蔭無一畝方托

根久得地引幹如扶桑下可生茯苓上可巢鳳凰
寧廳撼坤軸倒影臥大荒培植豈不固剝蝕難自
強化爲青牛神乘風入渺茫

雜詩二首

芝蘭托糞壤香不勝蕭艾凡葩逞異姿得地門
繁薈荒畸闢數弓風雨助芳藹離披屋角間倚側
牆根外咄哉造物仁培植無小大物性隨所宜貴
賤兩不害誰言寸草心不同松與檜

雕鶚盤長空萬里奮雙翼扶搖天池寬不識樊籠
仄簷前倒挂鳥學語苦拘勒格磔聲何繁員吭久
鬱塞胡不

自韜晦抱影守其默飲啄適性真高舉避繪弋因巧遂
見羈悲鳴徒啾唧

闌中題馬秋葑比部藍筆山水便面

馬君畫法奇山水開生面一色蔚藍天萬壑恣詭變窮
陰易昏曉遠岫殊濃淡無虞紫奪朱差勝素爲絢瑟瑟
涼颼飄披拂炎蒸散髦士九千人決勝正文戰安得巨
手揮清氣歡豪翰糊名更易書五色互璀璨迷離藻繪
繁鑑別苦凌亂金銳刮我目午夜自忘倦笑擁折脚鐺
揮君聚頭扇

督漕北上雜詩六首

維舟排行衙森森列高纛手版紛送迎材官遞奔逐鎮
日整冠履危坐披案牘應接無暇時手足爲拘束起看
蓬窗外魚艇和烟宿抑揚欸乃聲音叶綠楊曲茫茫一
水間誰能辨雅俗

東南風水消西北風水長風水兩無憑胡能恃鹵莽急
流無恬波船動如飛益木淺負重難起卸紛勞攘百人
挽一纜努力事勇往呼聲如雷霆遠近聞餘響傷哉挽
運難無功媿坐享

打牖牖水乾寸進復尺退移船如移山坐使萬人廢前
後成偈仄左右總窒礙水強不能留水弱不能載運者

汗沾臆觀之芒刺背僥倖一船過銜尾一船代念茲牽
纜人無由推泛愛

糧艘體骯髒湖艘更襍穢木植堆千重旁拖復上戴動
如山岳移橫梗巨鰲背絞關無停聲力盡輓轡碎貨重
舟人喜餘潤免假貸王法通人情貿易兩無礙何能求
速行顛簸波濤內

陸居思行舟買棹放潞河招邀素心友吟嘯迷烟莎長
途挽軍儲日日隨驚波驚波漫浩浩逸興爲消磨鎮日
坐宦舫官樣聞呼呵鷗鷺雨不親扣舷無漁歌良遊感
疇昔懷抱鬱如何

代馬嘶北風越鴈知南翔一歲別舟車淮陰繼瀋陽去
歲出榆關邊塞多風霜今來事挽運千里烟波長宦遊
無定軌水陸同趨將君子志憂患坐必戒垂堂馬行慎
鞍轡舟行慎帆檣

五日重興舟中雨二首

挂席凌長風曉過桃源渡快雨天未來微涼生遠樹佳
節豈易逢邂逅此甘澍篷背聲廉纖荻岸羃烟霧笑剝
角黍香閑情狎鷗鷺

去年瀋陽東今歲淮陰北客中風景殊舟車不同式更
憶扈從時半役灤河域在家逢端陽歷數幾年得宦迹

如飄蓬隨風任休息臥聞欸乃聲何如聽勅勒

題蔣香杜孝廉母氏沈孺人紉鍼課讀圖

慈母手中線遊子身上衣
衣穿無補時遊子胡不歸
孤燈照白屋寒風透薄緯
拈鍼擁禿几言笑猶依稀
昔課兒不讀鍼斷如絕韋
學成親不存萬卷終何爲
咄哉衣錦衣何如守庭闈

冬日于役廣陵過江遊金焦返棹維揚得詩六首
嵐風吹客衣長淮鬱烟霧凌晨戒僕夫揚帆指瓜步
廣陵古名勝夙昔動深慕茲遊豈偶然邂逅慰情愔
懷古緬六朝廢址幾朝暮金粉同飛塵蕭蕭沒雲樹
惟有平

山堂梅花留客住

梅開山堂幽側身入香國更震歐陽名池館爲增色沿
河布置精名園密如織五步一樓臺金碧燦雕飾聞說
初建時黃金不論億輝煌幾晨夕覆道半傾踣樵牧同
棲遲風雨遞剝蝕補苴偶廢弛再建難爲力爲語賢主
人盛時勉培植

金山何崔嵬團結矗江腹迷漫塵霧飛不辨石與屋僧
寮遞攢簇拾級亂心目言尋第一泉蟒眼正新熟兩腋
清風生聊用滌塵俗攬衣躡高閣水天快遙矚匝岸瓜
洲城萬竈炊烟綠茫茫南北分萬山一江東

焦山峙其東奇氣結成對飛來兩碧峯雙巨壑背幽
深勢盤鬱特立標勁概中有瘞鶴銘古迹閱時代班剝
蝕土花風雨任破碎更有周鼎彝劫歷幾興廢黝然存
古光神物豈終晦東望海門青洪濤潑天外特立窮八
荒空濛無滯礙

迴帆下山麓更登海岳庵遺墨如晨星奇氣蒸雲嵐字
畫半彫蝕中有元精含想公落筆時狂叫興正酣山川
有代謝殘刻留瞿曇更徵雲壑蹟臭味真同龕六字大
如斗不愧青勝藍咄哉名世書竟與山水參

山水遊孔佳文讌亦快意況復經維揚千古歌舞地黎

園多白頭曲譜實深邃絲竹無近聲啼笑有新致官場
倏變遷俯仰等遊戲偶如萍水逢聊作閒情寄況爲得
失林亦足風有位長歌謝主人休明託鼓吹